



**Aningaasaqarnermut Nunanilu Avannarlerni
suleqatigiinnermut Naalakkersuisoq**

Ulloq: 24. august 2019
J.nr.: 01.31.06/19-00848

**Aningaasaqarnermut Akileraartarnermullu Ataatsimiititaliap pingasunngornermi
ulloq 21. august 2019-imi aalajangiineranik Naalakkersuisunut ilisimatitsineq.**

**Kontomi pingaarnermi 89.72.12 Inissialiassat taartissanillu inissialiortiterneq, missin-
gersuutitut sunniuteqanngitsumik Ingerlatsineq tunngavigalugu inissiat, Ilulissat-nut
atugassanngortitsineq. - Suliaq nr. 01.31.06/19 – 00848.**

”Naalakkersuisut inassutigaat,

- kontomi pingaarnermi 89.72.12 Inissialiassat taartissanillu inissialiortiterneq, suliniut nr. 996.32.124 Inissialiornernut aningaasaliissutit 2019-imi 12,0 mio. koruuninik ikilisinneqassasut, aamma
- suliassamut 120.30.019 Ingerlatsineq tunngavigalugu inissiat, Ilulissat, aningaasaliissutit 2019-imi 12,0 mio. koruuninik amerlisinneqassasut.”

**Aningaasaqarnermut Akileraartarnermullu Ataatsimiititaliap oqaaseqaatai
apeqqutaalu:**

Kiassarnermut innaallagissamullu akit appasitsinneqarnerisigut ineqarnermut akit appasitsinneqarnissaat ingerlatsineq tunngavigalugu inissianut tunngatillugu tunngaviumik pingaartinneqarneranik kiisalu CO2-mik aniatitsinikinnerusumik kiassarnerup tungaatigut siuarsimanerussamik, taamaalillunilu mingutsitsinikinnerunissamik attartortullu kiassarnermut akiliutigisartagaannik appasinnerutitsinissamik paasissutissiinerit itisiliivigineqarnissaat ataatsimiititaliamit kissaatigineqarpoq.

Uulia, seqineq aammalu erngup nukinganik atuinnermut sanilliullugu CO2-mik aniatitsineq aammalu innaallagissamut kiassarnermullu aningaasartuutit inassuteqaat matumani pineqartoq aallaavigalugu paasissutissiissutigineqassasut ataatsimiititaliamit kissaatigineqarpoq. Erngup nukissiorfimmut ataniliinissaq pillugu Namminersorlutik Oqartussat kommunimik oqaloqatiginnippat?

Aningaasaqarnermut Akileraartarnermullu Ataatsimiititaliap aalajangiinera

Siuliani allassimasutut oqaaseqaateqarluni Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuerineqarput.**

Inussiarnersumik

Hermann Berthelsen

Aningaasaqarnermut Akileraartarnermullu Ataatsimiititaliap Siulittaasua